

「國家社會科學基金重大項目」

何建明

主編

中國地方志
佛道教文獻匯纂

人物卷

(55)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明

主編

中國地方志
佛道教文獻匯纂

人物卷

（55）

圖

國家圖書館出版社

中國地方志佛道教文獻匯纂·人物卷
安徽省 黃山市

徽州府志

明·彭澤修 汪舜民纂
明弘治十五年（一五〇二）刻本

仙釋

唐鄭全福

本浮梁人開成中遊獵婺源深入窮谷與其徒相失既暮有老人導遊靈岩三洞及出有鹿引

上山半自是結茅居之因修煉爲道士後徙居蓮花洞
之石室前有天井深不可測乃求府爲綆轆轤而下中
極寬廣徐步挑花溪上有老人乘鐵船全福揖之願借
船還老人曰已渡尚須還邪曰欲傳之人間耳老人曰
如是速還虎豹且至後三年當復來至岸循綆而上已
七日矣又三歲是爲開成五年全福百餘歲語門人曰
必葬我浮梁白水鄉及卒弟子二百餘人與鹿俱送至
夕陽嶺上覺棺空發之惟履在群鶴翔引鹿亦失所在
智琚父李氏其先居冀州趙郡晉室東遷遂爲新安人
琚坦法師釋論未淹及管頻聞精義坦卽隋齊王諫之
門師也次聽雅公般若又聽譽公三論年二十七卽就
敷講無礙辨才衆所知識說經待問亟動常倫口不言
人服無受色後三屈指逝於常州建安寺武德二年弟
子常銜爲立碑西陽**定莊禪師**新安人牛頭自法融禪
王記室曹憲爲文**定莊禪師**新安人牛頭自法融禪
莊其一也無**茂源和尚**歙州人得法於吉州性空禪師
機緣語句平田來象源欲起身平田把住

曰開口卽失閉口卽喪去却甚麼時請師道源以手掩
 耳平田放手曰一步易兩步難源曰有什麼死急平田
 曰若非此箇阿師**珠溪謙禪師**歙州人得法於雲居道
 不免諸方點檢**藏殿謙**與一僧同看次謙喚某甲僧應諾謙曰此殿著
 得多少佛曰著卽不無有人不肯謙曰我不問遮箇人
 曰若此則某甲亦未曾祇對**瀾大德**歙興唐寺僧名清
 珍重謙後住梵率山而終**瀾大德**性孤高飽叢林
 九華杜荀鶴贈詩云祇恐爲僧心不了爲僧心了總輸
 僧答詩云如何卽是僧心了得了得何心是了僧世多傳
 之與婺州僧貫休相善以詩文往還故**五代聶師道**字
 其精舍往往有闌所爲碑塔在寺後**五代聶師道**宗
 徽歙人少入老子法中事道士于方外後得內傳服松
 脂法乃與同志登績溪百丈山採芝夜半峯頂月明有
 天樂起東南紫雲中久之聲益近至石金山少止兩山
 相距三十里然頂上相望纔咫尺少時敲小鼓復通奏
 笙簫金石絃匏以拍節大鼓其音清揚不類人世至雞
 鳴止山下居人是夕皆聞之同行者數曰方採靈藥而

所聞如此此亦君得道之證也後泊南嶽招仙觀聞蔡
真人舊隱去洞靈源不遠山中時有見之者乃辟穀七
日獨徃日暮有樵者坐溪上告以蔡君所居深遠不可
到東有人家可宿樵者因凌水而渡師道目送之東行
見草舍籬落主人類農者年可三十許問適見樵者否
此蔡道者也因投宿啓黃蘗合得茶飲之絕佳明旦行
有老父問所從來謂曰蔡君父子偕隱此山昨昔所宿
卽其子也折草長尺餘形似薑苗師道咀之而甘因使
取水遂失所在自是益精健還觀已月餘乃知彭真人
亦嘗隱此山也後歸鄉里每入山虎豹遇之皆弭耳馴
伏拊之乃起或以所採新藥令負還以故歛之近山頗
有猛獸而不爲害後將復往南嶽聞漢梅福梁蕭子雲
皆隱玉笥山中乃三遊郁木坑見丈夫布衣烏帽年若
五十許人相問勞已謂曰子宿業已淨應有名玉籍雖
未卽飛升亦當度世我謝修通也本居南嶽與彭蔡偕
隱已三百餘年知子嘗遊洞靈源吾適爲東華君命主
玉笥山地仙兼掌清虛觀墳土祀子與吾宿有分故得
相見然梅蕭日中爲小有天王所召恐未便還非可待

也師道跪謝之同行數里忽有草舍新潔命師道坐木
馬上尸坐白石鹿上俄有牛角以湯飲師道神氣灑然
修通指架上素書令抽取一卷曰習之當得道我有弟
子紫芝在九疑山往見之傳我語必爲子盡其旨矣
不見者第投書於毛女溪上洞中且題石壁致吾意
訖忽不見師道已在郁木坑外蓋七日矣素書言西王
母理化衆仙之要然不可盡解遂至九疑訪紫芝或言
毛女溪有一隱者莫知其名人或見之師道累求不獲
乃投書題石後常夢神人稱紫芝教以疑義歲餘還山
房田頌園新安師道白太守裴樞夜緹見頌頌爲歛兵
又爲請陶雅爲守楊氏據有江淮召至廣陵建真元宮
處之使爲人祈福號問政先生一旦謂弟子曰我爲仙
官所召言訖而逝比歛棺有聲視之若蟬蛻然因就葬
之數日有自豫章來者言見之於道以一小童自隨云
離南嶽多年今當暫往耳所至多宿舊遊觀宇半年後
又有見之於衡陽者云歸洞源矣後二十年問政故居
之上數有雲鶴盤旋衆請於楊氏發所藏衣冠歸葬自
楊至歛千餘里其上常有雲氣兼鳴鶴翔導至山三日

而散楊氏加贈銀青何令通為南唐國師言牛頭山不
光祿大夫鴻臚卿

靈山碧雲庵禮昭禪師為師改名慕真一坐四十年豁
然大悟宋天禧三年己未十月十八日里中江文東輩

往見之慕真肅入正席趺坐忽然火從心出自灼遂
頃刻而化其徒收舍利為塔以葬之王仲儀有記

聶紹元字伯初歙人乃五代師道之從孫母程氏始孕
便畏葦夢天人指其腹曰此子當證道果長好

文史尤精玄學嘗詣金陵受戒錄是夜夢入一城官府
嚴肅中有朱衣者凭几謂紹元曰此司錄之所也可自

閱籍籍上圖形旁題云聶紹元十八入道二十受上清
畢壇二十六往南嶽遂掩卷而寤久之還問政山築室

號草堂事母勤瘁不交流俗自號無名子世多以鍊師
稱之忽晨起沐浴戒家人以伯祖有訓宜世勤修鍊母

忘太上教俄有四鶴集於屋有光自空而下遠望疑以
為火至則無他而紹元已化矣先一夕告母曰胡將軍

至可備酒果至是若有就坐者詰旦僕夫自外來云鍊
師與三道士衣朱綠乘馬武士冠帶從者數輩燁然南

去鍊師回首語之曰吾往南嶽矣最後一八云爲語宅
 中謝貽我酒果嘗撰宗性論修真秘旨各一篇學士徐
 鉉及弟錯稱之曰吳雪山子名道茂歙人紀氏子少時
 筠施肩吾吾不能過也雪山子每遇盛夏輒以昏暮伏草
 莽中求以身施蚊蚋者二十年始住休寧普濟院時郭
 公三益爲尉閒數與語郭公由是好佛法後住通州白
 狼山晚歸自號覺庵未嘗爲人白椎或問之答曰是第
 一義者可輕以假人邪有妻死求出家者道茂終不納
 曰彼一時所激非爲法來也此人再娶已又買妾竟如
 所料大觀中郡守使其鄉僧行月住天王院行月自言
 雲門下求與道茂通法屬道茂不答及道茂去世行月
 言彼非坐滅乃其徒僞爲之守使檢屍檢者踏其腰股
 使伸伸已隨結焚之西關渡頂骨諸根不壞煙
 所及錐水中皆得舍利有池陽百問行于世宗白頭
 名嗣宗歙人陳氏受業水西寺試經得度年二十游方
 參徑山睿深見器重去卽龍門遠道林勸江浙廬皖荆
 楚湘漢之間凡庵居屏處禪林所稱者輒造而問之聞
 洞下有覺首座在大洪山宗壽長七齡僧先一夏服訓

累年殆忘寢寐覺嘗問皓月當空時如何宗云正是恁
麼時節反覆酬答忽有省後從覺於泗州普照覺去遂
代之時建炎初也開堂云喝井庵畔似真似偽斷足巖
前乃精乃粹遂爲覺粘一瓣以酬法乳諸方及知洞下
一宗復有人矣尋住常州善權及明州翠巖雪竇嘗示
人曰大衆體究此事第一不得依樣畫葫蘆第二不得
去古人背後又手第三不得守株待兔第四不得無繩
自縛何謂依樣畫葫蘆如今學者不肯退步休歇一向
用心強佐道理見古人立箇拳也立箇拳畫箇圓相也
劃固圓相提起座具拂袖便行及至窮究著黑漫漫地
何謂古人背後又手學者已事不明日夜商量古人公
案涎箇說話又如何設或會得祇是別人底被他言語
攪縛得來不成腸肚豈不見道若要提唱宗乘須是從
自己骨髓流出何謂守株待兔有一種學者認得箇影
響祇管泥在一處或良久或退後認著不忘一生無動
轉長沙道百尺竿頭坐底人雖然得入未爲真百尺竿
頭須進步十方世界是金身何謂無繩自縛學者在衆
中不肯親近尊宿決擇此事但認箇自家休歇一向癡

生從朝至暮祇管瞌睡所以道透網金麟猶滯水迴塗
 石馬出籠沙若是本分生禪人孜孜念念未嘗暫時與
 此事有絲毫隔行住坐臥常在其中不見洞山在方丈
 坐有贊歎者云僧家好終日無事山云莫如此說僧有
 僧事俗有俗事山僧在此無剪指爪底工夫且道洞山
 在方丈中改箇甚麼麼見得僧堂裏亦不是閒坐處
 若不恁麼見去盡是虛度光陰直須念念無間斷步步
 無間斷時時無間斷處處無間斷有僧問曹山如何是
 無間斷底人山曰曹山今日傷孟僧曰某甲不會山曰
 東西不辨即是到這裏作麼生體悉久參高士共相證
 明後學初心各自努力將終書偈曰全心自照無佛無
 人諸緣不共時至便行其全身建塔于雪竇而翠巖取
 其大衣藏于無際庵閱世六十九坐夏五十四宗貌清
 濯氣韻平淡慈忍無嗔恚經山杲少所許可嘗贊之曰
 太湖三萬六千頃之渺茫即師之口也洞庭七十二峯
 之峭峻即師之舌也不動口不饒舌已說未說今說當
 說也大奇也大奇鄭古歎人少蘇公龍川畧志云歙州
 此是吾家真白眉鄭古鄭仙姑之父曰鄭八郎學道者

也家於歙之東嶽廟前家有一小閣姑幼與父居閣上客至父見客閣下姑自上捧茶湯下率以爲常然人未嘗見閣上有煙火父死歛棺中不葬姑言父非死也如是數十年未嘗出城門人或見之百里外亦畧言人災福以此歎人大敬之予爲績溪令欲一見會解縣到郡謁之聞其舊宅歲久摧壞是歲大風雨夜中屋毀有聲鄰居疑其壓死旦往視之偶有一木斜倚牀上得不壓而姑齕睡未覺人充異之予問其年曰八十矣然處女也予詰姑年八十而不嫁何也曰吾誦度人經故爾予曰度人經安能使人不嫁曰此經元始天尊所說元始天尊生於天地先立於天地外安得不爾予曰姑誤矣安有人能出天地上者曰此無他蓋亦道爾予曰道則能爾然何與姑事曰君謂道不在我然我身何者非道予歎曰姑乃知此邪明日畧訪我當具一齋姑曰我隨有而食不擇葷素明日卽至畧能飲酒食肉予問以養生曰君今如器已破難以成道予徧以術問之如導引嚙納燒煉皆曰非是予曰竟以何者爲是徐曰人但養成嬰兒何事不了予曰嘗有人於百里外見姑豈嬰兒

往邪微笑不答予偶復謂曰姑家在嶽廟前廟中望水
 西山林極佳姑亦嘗至廟上否曰我道家不信神佛未
 嘗往也予曰道家不信神可也如佛與道何異佛設般
 若心經與道家清淨經文意皆同姑誦清淨經予覺其
 不習佛法因問之曰經所謂五蘊何物也曰五行是也
 予笑曰姑未嘗學佛而遽忽之可乎五蘊卽所謂色受
 想行識是已
寧道者婺源汪氏名道寧壯歲以道者遊
 姑默默而已
 棄妻子祝髮參五祖演禪師誦金剛經有悟演印可之
 辭去將潭州天寧爲第一座尋住報慈開福政和三年
 十一月四日沐浴小參次日告衆曰畧運推移日南長
 至天地一陽生萬物敷與義生死與去來從來無忌諱
 華藏門開主伴俱備獅子翻身象王游戲如今不究根
 源直到龍華三會某甲作道人四十年爲僧三十五夏
 始作道人時日誦金剛經二十卷在明州育王山燒浴
 誦至於此章句能生信心以此爲實不覺脚在湯桶脚
 皴桶破當體獲解脫道證本元常無奈彼處宗師驀頭
 印證自此徧參明州諸尊宿雪竇老良禪師過天台參

湧泉覺至開先見心印到衢州參紫湖誠入廬山見羅漢英說禪祖偈至圓通參法鏡禪師將住一年渡江到二祖見宗禪師深入旨趣得游戲三昧到太平見清禪師提趙州狗子無佛性話師資方順透身便退回至白蓮峯下再來庵前見一蓮頭老人提忠國師古佛淨餅話如削下千斤重擔自此之後方脫去貼肉汗衫無奈業緣未盡紹報慈開福道場某甲初七日與大衆相別脫去殼漏子別有前程出家佛子徹髓徹皮三昧海中游戲自在輪迴界內任意升騰所以俱戶城畔博示雙跌熊耳峯前親携隻履前人不了累及後來畫樣起模至于今日又道吾紫磨金身今日即有明日即無若道吾入涅槃非吾弟子道吾不入涅槃亦非吾弟子於此檢點得出不惟穿却黃面老子鼻孔亦知報慈落處其或未然報慈與麼來滿世無相識水月與空華誰堅復誰實住院經五年都盧如頃刻瑞雲散盡春風生失却文殊遇彌勒至初七日升座衆纔定即已逝矣得其法者月庵道果而郡僧覺文嘗參之文歎楚氏與兄道才皆遊方有聲道才住威勝軍天寧寺號海上橫行才

道者文嘗止新安道人歛人嘗遊洪尚書中孚之門以
 蘇州亨隆山新茶酒待之不倦忽告別他適言
 曰願呈一術以爲公歡時當歲晚洪指園中拈李曰可
 使開花結子乎曰能即請青幕罩其上白洪延客置酒
 以賞之乃於腰間探藥一粒納李根封以土少選揭視
 李已著花又覆其幕如初及再揭李已結實全熟青黃
 交枝累繁可愛滿座摘食香味勝於常種但歎訝而不
 能識其爲異人者既去三四日方悟其神仙欲見不可
 得汪歛市人諫議謝泌微時讀書烏聊山汪心愛敬
 矣汪四謝旦就市得錢暮輒攜以相資嘗數日不來謝
 下山問之人云已盜驢竄去矣及公登第爲蜀中縣令
 一旦有道人來訪者乃汪也與坐書室汪起畫壁爲嵩
 洞有朱門金鑲解腰間鑰開之挽公同入公請歸永素
 白嫂汪遂先入比出壁屹立如故汪不復見矣
 祁門人居栢山院日誦華嚴經紹興間住嚴州府烏龍
 山歲久回栢山院撰瑜伽文羅漢文彌陀文水陸科文
 成各具二本奏聞三界存一化一設香燭不然祝曰吾
 文可行於世請香燭自焚永素坐至夜半果香自焚燭

自明爐灰中有一依字其文見行於世一日沐浴升堂說法作偈曰看不上面笑不出唇淡軒之上獨對松雲

呵呵有人若問西來意山僧元是舒道翁教人遇異人大朝人言訖而逝茶毗舍利滿盤

棄家入山結庵絕蹟不通世事妻子求之數年不獲後樵者見之報其家邀與偕歸翁遂燎其庵又密遷東山

之顛山高數百仞捫蘿攀磴僅可登自是又十餘年方知之人有問養生法者以無嗜欲對年百五歲而終

孫元明 祁門洞元觀道士自稱野仙好追遊名山紹興中來靈源入西洞服石元丹遂斷穀時食酒果

而已獨居玉皇閣小室間出街市乞錢買酒既醉則攜餘錢與丐者盛暑不揮扇寒浴於溪爲人書偈禍福隨

驗至老不衰紹熙二年四月無疾而終留辭曰佯狂八十六年識得玄中又玄今朝擺手歸去笑徹蓬壺洞天

未幾有蜀客至言有老孫道士在青**金野仙**名良之字城山云是此觀中人乃知其號解也

下東人兩浙提刑受之子以蔭爲奉新尉一旦狂肆以病去官妻亦携二女去之自是食不繼然貌常克悅夜